

Na osnovu člana 11 stava 4 tačke 3 Zakona o Policiji Brčko distrikta BiH («Službeni glasnik Brčko distrikta BiH» brojevi: 9/06 i 19/07) i člana 158 stava 1 tačke a) i člana 5 Zakona o policijskim službenicima Policije Brčko distrikta BiH («Službeni glasnik Brčko distrikta BiH» broj: 41/07), šef Policije Brčko distrikta BiH d o n o s i:

PRAVILNIK O POLICIJSKOJ LEGITIMACIJI I ZNAČKI

I. OPĆE ODREDBE

Član 1 (Predmet Pravilnika)

Ovim pravilnikom utvrđuju se oblik, izgled i sadržaj službene policijske legitimacije (u daljnjem tekstu: legitimacija) i službene policijske značke (u daljnjem tekstu: značka) policijskih službenika Policije Brčko distrikta BiH (u daljnjem tekstu: policijski službenici), postupak izdavanja, rok važenja i vođenje evidencija o izdatim legitimacijama i značkama.

Član 2 (Pravo na legitimaciju i značku)

- (1) Legitimacija i značka izdaju se policijskim službenicima.
- (2) Uručenje legitimacije i značke vrši se prilikom davanja svečane izjave.

Član 3 (Osnovne karakteristike legitimacije)

- (1) Legitimacija je pravouganog oblika prilagođena za korištenje kao identifikaciona kartica policijskih službenika.
- (2) U obrazac legitimacije se unose podaci policijskog službenika kojem je dodijeljena.
- (3) Karakteristike legitimacije u pogledu dimenzija, mehaničke, hemijske i toplotne otpornosti, kao i zaštite od umnožavanja odgovaraju karakteristikama lične karte.
- (4) Detaljan opis izgleda, sadržaja i ostalih karakteristika legitimacije čini sastavni dio ovog pravilnika kao prilog 1.

Član 4 (Osnovne karakteristike značke)

- (1) Značka je štitastog oblika izrađena od metala tehnikom lijevanja prilagođena za nošenje u skladu s odredbama ovog pravilnika.
- (2) Detaljan opis izgleda, sadržaja i ostalih karakteristika značke čini sastavni dio ovog pravilnika kao prilog 2.

Član 5 (Izdavanje legitimacije i značke)

- (1) Legitimacija i značka izdaju se policijskom službeniku istovremeno sa sticanjem statusa policijskog službenika.
- (2) Izdavanje legitimacije i značke vrši se istovremeno.
- (3) Izdavanje legitimacije i značke vrši se u Policiji.

Član 6 (Rok važenja legitimacije i značke)

- (1) Legitimacija se izdaje na rok važenja od 10 godina.
- (2) Značka se izdaje na neograničen vremenski period.

Član 7 (Nošenje legitimacije i značke)

- (1) Policijski službenici dužni su prilikom obavljanja poslova i zadataka nositi legitimaciju i značku.
- (2) Policijski službenici koji poslove obavljaju u uniformi, značku nose na vidnom mjestu lijeve strane gornjeg dijela uniforme, a ostali policijski službenici u kožnom omotu na preklapanje.
- (3) Policijski službenici legitimaciju nose u kožnom omotu iz stava 2 ovog člana.

Član 8 (Zamjena legitimacije i značke)

- (1) Izdate legitimacije ili značke mogu se zamijeniti:
 - a) zbog promjene izgleda policijskog službenika u toj mjeri da je na osnovu fotografije na legitimaciji nemoguće izvršiti identifikaciju i
 - b) zbog oštećenja legitimacije ili značke koje su zbog toga neupotrebljive ili estetski neprimjerene.

(2) Zamjena legitimacije se vrši na obrazložen zahtjev policijskog službenika po odobrenju šefa Policije.

(3) Prilikom zamjene legitimacije ili značke policijski službenici vraćaju legitimaciju ili značku koju su ranije zadužili.

Član 9 (Nestajanje i gubitak legitimacije ili značke)

(1) Ako policijski službenik na bilo koji način ostane bez legitimacije ili značke, dužan je o tome odmah, a najkasnije u roku od 24 sata obavijestiti neposrednog rukovodioca i sačiniti detaljan pismeni izvještaj na navedene okolnosti.

(2) U slučaju iz stava 1 ovog člana neposredni rukovodilac će preduzeti mjere za utvrđivanje postojanja eventualne odgovornosti policijskog službenika.

(3) U slučaju iz stava 1 ovog člana izdavanje nove legitimacije ili značke će se obaviti nakon što se legitimacija i značka oglase nevažećim u "Službenom glasniku Brčko distrikta BiH".

Član 10 (Ponovno izdavanje legitimacije ili značke)

(1) Ukoliko je službenik ostao bez značke, izdat će mu se nova značka i legitimacija sa novim identifikacionim brojem.

(2) Ukoliko je službenik ostao bez legitimacije, izdat će mu se nova legitimacija sa identifikacionim brojem značke koju posjeduje.

Član 11 (Vraćanje značke ili legitimacije)

(1) Policijski službenik koji iz bilo kojeg razloga izgubi status lica iz člana 2 ovog pravilnika dužan je legitimaciju i značku odmah predati neposrednom rukovodiocu.

(2) Neposredni rukovodilac je dužan u roku od sedam (7) dana od dana prijema, legitimaciju i značku predati kadrovskom odjeljenju Policije.

Član 12 (Uništavanje legitimacije ili značke)

(1) Legitimacije ili značke koje su iz bilo kojeg razloga povučene iz upotrebe uništava komisija koju formira šef Policije Brčko distrikta BiH.

(2) Uništavanje iz stava 1 ovog člana vršit se u pravilu jednom godišnje.

(3) Zapisnik o uništavanju se dostavlja kadrovskom odjeljenju Policije.

13 (Evidencija)

(1) O izdatim legitimacijama i značkama vodi se evidencija u kadrovskom odjeljenju Policije.

(2) Evidencija iz stava 1 ovog člana sadrži: redni broj, identifikacioni broj, prezime i ime policijskog službenika, JMBG, datum izdavanja, datum razduženja i napomena.

Član 14 (Primjena)

(1) Policijske legitimacije i značke izdate po ranijim propisima zamijenit će se legitimacijama i značkama u skladu sa ovim pravilnikom kada se stvore budžetske pretpostavke za to.

(2) Prilikom zaduženja legitimacije i značke iz stava 1 ovog člana policijski službenici predaju legitimacije i značke koje su ranije koristili.

Član 15 (Stupanje na snagu)

Ovaj pravilnik stupa na snagu danom donošenja i objavit će se u "Službenom glasniku Brčko distrikta BiH".

Broj: 14.05/1-02-3189/08
Brčko, 08. 04. 2008. godine

Š E F
POLICIJE BRČKO DISTRIKTA BiH
Goran Lujić, s.r.

IZGLED, SADRŽAJ I KARAKTERISTIKE LEGITIMACIJE

1) Legitimacija sadrži sljedeće elemente:

a) Obrazac prednje strane legitimacije sadrži sljedeće:

- Osnova prednje strane legitimacije urađena je u svijetloplavoj boji, osnovni ispisi su u crnoj boji,
- Na gornjoj stranici legitimacije udaljeno 6 mm od krajnje ivice tokom cijele dužine nalazi se natpis «Bosna i Hercegovina» a ispod «Brčko distrikt BiH» latiničnim i ćiriličnim pismom koji razdvaja grb Bosne i Hercegovine postavljen na sredini između dva natpisa dimenzija 9 X 6 mm,
- Paralelno ispod ovih natpisa nalazi se natpis " POLICIJA " koji je ispisan latiničnim i ćiriličnim pismom,
- U donjem lijevom uglu nalazi se ID bar code, a iznad njega mjesto predviđeno za fotografiju nosioca legitimacije a isto je dimenzija 25X32 mm,
- Desno od mjesta predviđenog za fotografiju predviđeno je mjesto za ispis imena, prezimena i **čina nosioca** legitimacije na latiničnom i ćiriličnom pismu,
- U donjem desnom uglu je mjesto predviđeno za potpis šefa Policije.

b) Obrazac zadnje strane legitimacije ima sljedeći izgled:

- Osnova zadnje strane legitimacije urađena je u svijetloplavoj boji, osnovni ispisi su u crnoj boji,
- Na gornjoj strani legitimacije udaljeno 6 mm od krajnje ivice tokom cijele dužine nalazi se natpis «Bosna i Hercegovina», «Brčko distrikt BiH ", a ispod njega natpis «POLICIJA» na latiničnom i ćiriličnom pismu,
- Na ovom dijelu legitimacije nalazi se tekst «Nosilac ove legitimacije je policijski službenik i ovlašten je da vrši policijske dužnosti i primjenjuje policijske ovlasti u skladu sa Zakonom o policijskim službenicima Brčko distrikta BiH i Zakonom o krivičnom postupku u Brčko distriktu BiH», koji je ispisan na latiničnom i ćiriličnom pismu i na sva tri jezika konstitutivnih naroda u Bosni i Hercegovini.

2) Policijska legitimacija izrađena je na obrascu pravouganog oblika dimenzija 84 X 54 mm (ISO CR –80).

3) Policijska legitimacija i značka imaju identičan identifikacioni broj.

IZGLED, SADRŽAJ I KARAKTERISTIKE ZNAČKE POLICIJSKOG SLUŽBENIKA

- 1) Policijska značka je izrađena od metala (mesinga), tehnikom lijevanja, ista u većem dijelu ima oblik štita i dimenzija je 60 X 70 mm. Gornja ivica značke je blago povijena crta zlatne boje dužine 60 mm, a na nju se prema dolje i vani s lijeve i desne strane nastavljaju poluokrugle crte dužine 70 mm. Ispod ivice značke nalazi se prstenasta svijetloplava podloga širine 8 mm, gdje je u gornjem dijelu na horizontalnoj podlozi ispisan broj značke, a sa lijeve i desne strane na vertikalnoj podlozi nalazi se natpis "BRČKO DISTRIKT BiH" na latiničnom i ćiriličnom pismu. U središnjem dijelu značke (po dužini i širini) nalazi se grb Bosne i Hercegovine promjera 24 X 26 mm. Vanjska strana grba ukrašena je podlogom sa zracima zlatnožute boje, gdje se iznad i ispod grba nalazi horizontalni natpis "POLICIJA" na latiničnom i ćiriličnom pismu. Na zadnjem dijelu značke nalazi se ugrađen adekvatan pričvršćivač značke, kojim se ona može kvalitetno pričvrstiti za omot, odnosno dijelove uniforme na kojoj se nosi.
- 2) Izgled značke sa promjerima simbola i obilježja prikazan je u mjerilu 1: 1 u prilogu.
- 3) Policijski službenici koji poslove i radne zadatke obavljaju u uniformi značku nose na vidnom mjestu lijeve strane uniforme, a ostali policijski službenici u kožnom omotu na preklapanje dimenzija 110 x 88 mm. Lijeva unutrašnja strana omota je našivena džepom od providnog materijala i u nju se smješta legitimacija, a desna strana kožnim uloškom sa ležištem za značku na koji se ona pričvršćuje.

Bosna i Hercegovina  Босна и Херцеговина
 Brčko distrikt BiH Брчко дистрикт БиХ
POLICIJA ПОЛИЦИЈА

**FAHRUDIN SELIMOVIĆ
 ФАХРУДИН СЕЛИМОВИЋ**
 GENERALNI INSPEKTOR POLICIJE
 ГЕНЕРАЛНИ ИНСПЕКТОР ПОЛИЦИЈЕ

ŠEF POLICIJE
 ШЕФ ПОЛИЦИЈЕ

ID kod

Bosna i Hercegovina  Босна и Херцеговина
 Brčko distrikt BiH Брчко дистрикт БиХ
POLICIJA ПОЛИЦИЈА

**FAHRUDIN SELIMOVIĆ
 ФАХРУДИН СЕЛИМОВИЋ**
 GENERALNI INSPEKTOR POLICIJE
 ГЕНЕРАЛНИ ИНСПЕКТОР ПОЛИЦИЈЕ

ŠEF POLICIJE
 ШЕФ ПОЛИЦИЈЕ

ID kod

Bosna i Hercegovina Босна и Херцеговина
Brčko distrikt BiH Брчко дистрикт БиХ
POLICIJA ПОЛИЦИЈА

Nosilac ove legitimacije je policijski službenik i ovlašten je da vrši policijske dužnosti i primjenjuje policijska ovlaštenja u skladu sa Zakonom o policijskim službenicima Brčko distrikta BiH i Zakonom o krivičnom postupku Brčko distrikta BiH.

Nositelj ove iskaznice je policijski službenik i ovlašten je da vrši policijske dužnosti i primjenjuje policijske ovlasti u skladu sa Zakonom o policijskim službenicima Brčko distrikta BiH i Zakonom o kaznenom postupku Brčko distrikta BiH.

Bosna i Hercegovina Босна и Херцеговина
Brčko distrikt BiH Брчко дистрикт БиХ
POLICIJA ПОЛИЦИЈА

Nosilac ove legitimacije je policijski službenik i ovlašten je da vrši policijske dužnosti i primjenjuje policijska ovlaštenja u skladu sa Zakonom o policijskim službenicima Brčko distrikta BiH i Zakonom o krivičnom postupku Brčko distrikta BiH.

Nositelj ove iskaznice je policijski službenik i ovlašten je da vrši policijske dužnosti i primjenjuje policijske ovlasti u skladu sa Zakonom o policijskim službenicima Brčko distrikta BiH i Zakonom o kaznenom postupku Brčko distrikta BiH.

